

82 130

98 K

玉海

1

Z 3+924  
6803=2  
21

092423

M421/15

宋·王應麟 纂



1



美院图书馆 B0044941

江蘇古籍出版社 · 上海書店

玉 海

(全六册)

〔宋〕王應麟輯

---

江蘇古籍出版社

聯合出版

上海書店

上海書店發行 上海印刷七廠印刷

開本 850×1168毫米 1/32 印張 153 8/16

1987年12月第一版 1987年12月第一次印刷

印數1—1,000册

---

ISBN 7-80519-020-8/Z·6

---

統一書號：17354·020 定價：(精)88.00元

## 出版說明

《玉海》是南宋王應麟（二二三—二九六）所輯的一部類書。全書二百卷，分天文、律歷、地理、帝系、聖文、藝文、詔令、禮儀、車服、器用、郊祀、音樂、學校、選舉、官制、兵制、朝貢、宮室、食貨、兵捷、祥瑞等二十一門。卷末附《辭學指南》四卷及輯者自著《詩考》、《詩地理考》等十三種。《玉海》取材廣泛，采輯豐富，徵引完整。尤其是關於宋代史事，都錄自《實錄》、《國史日歷》諸書，不但為後來史志所未詳，而且有些引用書早已散佚，實屬研究宋史的第一手資料。

《玉海》有元至元六年慶元路儒學刊本，元明清均有補刊本，另有嘉慶丙寅江寧藩庫本。此次據清光緒九年浙江書局刊本影印。該本以文瀾閣《四庫全書》鈔本為底本，並校以元明諸本及原引之書重刊。附有張大昌《校補瑣記》與《王深甯年譜》，是現存比較完好的版本。

一九八七年十二月

光緒九年浙江書局重鐫

玉璫二百齋

詞學指南四卷

增刻十三種

詩攷 詩地理攷 漢執文志攷

通鑑地理通釋 踐阼篇集解

急就篇補注 王會篇補注

漢制攷 小學紺珠 姓氏急就篇

六經天文編 周易鄭康成注

通鑑答問

欽定四庫全書總目

玉海二百卷附辭學指南四卷

宋王應麟撰應麟有鄭氏周易註已著錄是書分天文律憲地理帝學聖製藝文詔令禮儀車服器用郊祀音樂學校選舉官制兵制朝貢官室食貨兵捷祥瑞二十一門每門各分子目凡二百四十餘類宋自紹聖置宏詞科大觀改詞學兼茂科至紹興而定為博學宏詞之名重立試格於是南宋一代通儒碩學多由是出最號得人而應麟尤為博洽其作此書即為詞科應用而設故臚列條目率鉅典鴻章其采錄故實亦皆吉祥善事與他類書體例迥殊然所引自經史子集百家傳記無不賅具而宋一代之掌故率本諸實錄國史日曆尤多後來史志所未詳其貫串奧博唐宋諸大類書未有能過之者何焯評點困學紀聞動以詞科詆應麟特故為大言不足信也其書元時嘗刊於慶元路版已久佚今江寧有南京國子監刊本以應麟所著詩考詩地理考漢藝文志考通鑑地理通釋王會篇解漢制考踐阼篇解急就篇解小學紺珠

玉海提要

一

姓氏急就篇周易鄭註六經天文編通鑑荅問等書附梓於後案明貝瓊清江集有所作應麟孫王厚墓誌稱應麟著玉海未脫稿而失後復得之中多闕誤厚考究編次請於閩帥錢梓并他書十二種以傳據此則諸書附梓實始於元代惟瓊稱慶元初刻之時附書十二種而今為十三種慶元刊書原序亦言公書錄於郡學者凡十有四玉海其一則十三種為不誤或清江集傳寫之譌歟又卷首載浙東道宣慰司刊書牒文稱玉海實二百卷而今本乃合辭學指南

玉海提要

二

為二百四卷發郡文學李桓序所列卷目已與今同疑即當時校刊者所附入相沿已久今亦仍之至他書之附刻者則各從其類別著於錄焉其曰玉海者本於張融集名實則仿梁武所集金海之例而變其稱也

重刻玉海例言

一是刻凡遇

廟諱

御名 聖諱一律恭闕末筆

一是書初刻在元至正間故宋代名諱或闕筆  
或用代或已改從本字未能歸一今遵

欽定四庫全書攷證卷二十九通鑑地理通釋梓謹改

梓慎之例凡宋代諱悉改用本字不復闕筆

一是書久無善本茲刻謹遵

文淵閣鈔本以舊元刻本校之並檢原引之書空

重刻玉海例言

一

闕均已校補其無可補者僅闕卷一百二十二

第十一號一葉又闕四五字者計十餘處詳附

後校補玉海瑣記以俟博雅匡所未逮

一附刻十三種若詩攷詩地理考通鑑地理通

釋漢制考六經天文篇六種則兼用津逮叢書

本學津討源本校小學紺珠則兼用日本國袖

珍本校周易鄭氏注兼用惠氏棟孫氏堂重輯

本校踐阼篇王會篇則以各本大戴禮逸周書

校急就篇一種津逮叢書學津討源本均存音

義而無補注近小學彙函則仍用康刻玉海本

也至漢藝文志攷姓氏急就篇通鑑問答三種  
別無他本悉就原引書校之

重刻玉海例言

二



元刻玉海指揮

皇帝聖旨襄浙東道宣慰使司都元帥元帥得至順三年十一月十二日準國子監牒據國子學呈準博士趙承德關竊見故宋尚書王厚齋著書一部名曰玉海纂輯百家博綜眾理用功精深有補後學雖嘗傳錄於世至今未曾刊行如令所屬學院於學糧內置備筆札就於其家真謹鈔錄發來以憑施行準此行下慶元路依上鈔錄解赴國子監收管外至順四年十月二十六日據本道經歷司呈備準都事牟承事關竊見慶元路鄉先生厚齋王公諱應麟以進士

元刻玉海指揮

詞科仕宋至翰林學士禮部尚書公篤學彊記博極羣書立言持行為當時儒者之冠平生著作幾三十種皆有功於後學俱未刊行至於玉海一書尤為妙絕其門類之詳密則上至天文律曆下至禮樂器用凡二百四十餘類其所紀歷代則始於伏羲堯舜終於宋之末年其摭集之書籍則自六經眾史百家子集註疏傳記譜牒藝術隱蹟之書靡有子遺纂次詳備博而有要真足為名世之奇書但自公歿之後其家族黨分爭書遂遺闕縉紳章布遞相鈔錄雖多寡不同俱非全書富職游宦四明詢訪文獻故家得公

之孫厚孫延致家塾俾敬二子因獲盡取公之著述悉心討論訪求遺逸玉海遂見全帙考訂詮次井然大備適當聖朝文治之盛儻得板行傳遠資禮官之敷陳惠士子之考索豈不難歟若準備呈移牒憲司主領成就選官提調庶幾易於辦集具呈照詳得此又據慶元路申備儒學申準前翰林國史院編修官程從仕牒竊見故宋尚書厚齋王先生著述玉海困學紀聞等書凡三十種皆有功於學者其玉海一書二百卷凡文獻典故制度名物見於經史子集傳註百家悉加蒐輯成編鉤玄摘要殆無遺者可謂天下

元刻玉海指揮

古今希有之奇書上可備朝廷禮官之討論下可資學校士子之攻索若不刊行深恐湮沒沒有負國家興崇文教之美意準此照得本學刊造四書精要文獻通考姚收府文集等項書板合支錢鈔俱奉省府割付於各路學院錢糧內均派支撥參詳玉海一書誠可嘉惠後學如準所言備申上司分派各處學院計料刊板印布相應備申照詳得此本道參詳故宋厚齋王尚書所編玉海淵博浩汗誠為一代奇書如準刊行上可以輔敝皇猷下可以嘉惠後學為此移牒本道肅政廉訪司并分司照驗施行元統二年二月

初七準憲司分司牒看詳所言玉海書籍如委淵探該博有益後學請依上施行準此行下慶元路依上施行三月初九日又準本道肅政廉訪司牒該來牒前事當司議得刊行是書嘉惠後學誠為善事請依例施行準此再下慶元路依準憲司牒文事理刊行五月二十八日據慶元路申該行據本路儒學申上項玉海會計得合用黎板工食等該鈔七百六十三錠六兩五分為數不少若不照依姚牧庵文集等項書板於各路學院贈學錢糧內分派支撥豈能獨就儘失於刊行印布非唯有誤啟發後學抑且虛負

元刻玉海指揮 三

憲司嘉惠之美意如蒙備申上司照例分派各路學院支撥庶可成就誠非小補除已委請鉛山州儒學教授程敬叔厚齋先生孫王叔載訓導朱景陸等校正對讀外開到各各料物鈔數申乞照詳得此為是玉海一書古今罕有如準慶元路所申照依姚牧庵文集高下分派各路學院錢糧內分派支撥誠為易辦庶得刊行移牒本道肅政廉訪司照驗施行八月十八日回準憲司牒看詳放支錢糧係有司合行事理請依例施行準此議得玉海文光累代事益目前有惠後學誠為美事憲司既許刊行有司當為贊助

為此行下慶元等七路依準憲司牒文事理依例施行具呈省府照驗外今來照得厚齋王先生以六經眾史諸子百家集成一代之典名曰玉海國學首舉印正憲司已準刊行所用工料鈔數已等分派慶元等七路學院贊助因循至今不見解納以致上項文籍經今四年尚未完就擬合委官提調催督庶易畢集今將慶元路元申計到合用物料工價及本道元派各路鈔數開坐行下紹興等路行移提調學校官督責所屬即將元派鈔數著緊催納齊足差人解司割付委自慶元路總管張正議知事陳邁將仕各不

元刻玉海指揮 四

妨職敦請博通經典熟知古今老師宿儒校正對讀無差異工刊行仍下慶元路依上施行咨請本道宣慰使都元帥也乞里不花資德宣慰副使僉都元帥府事郭朝散提調委自都事張承務令史王良知督併校正刊行外合行具呈者至元三年十一月日

元刻玉海序

玉海天下奇書也經史子集百家傳記稗官小說咸采摭焉其為書也至顯而至微至精而至密至高而至深至博而至約凡天地山川古今事物道德性命律曆制度文章禮樂刑政兵農食貨靡不畢備寔故宋禮部尚書厚齋先生王公專精力積卅年而後成者也先生在宋季以詞學顯融其天才絕識有大過人者且盡讀祕府所藏天下未見之書故能博洽貫穿網羅包括著為此書第篇次浩繁日修月削開以所見疏列下方傳寫鈔錄不無先後參錯之遺非若

元刻玉海序

五

他類書比也雖然粹焉如玉浩乎似海玉海之名斯亦奇矣先生平日著書特多玉海其最鉅者門人高弟往往得其緒餘而擅名當世者有之夫不見異人必見異書一物不知君子恥之是書也其殆集文學之大成者與東南之士莫不知此書之奇願見其全不可得願非一家之力所能刊行浙東帥府都事牟君應復首建議繕寫校讐將鈔諸梓事未就而牟君去今宣慰都元帥也乞里不花公實來開闢承宣嘉惠學者於是力行前議召工庀事徵費於浙東郡縣學及書院歲入之羨有差郡守張公榮祖臨蒞提督

命教授王君就學正薛君元德董其役凡二年而後成嗚呼繼自今是書之行也世之君子皆得以覽觀考索焉譬如涉滄溟而求至寶無不滿意隨其所入之淺深取之無窮而用之不竭詎庸有限量涯涘哉若其門類卷帙之目則李君敘之詳矣茲不復書至元四年龍集戊寅四月初吉前翰林國史院編修官東陽胡助序

至元六年歲在庚辰夏四月朔旦慶元路儒學新刊玉海成玉海者故宋禮部尚書厚齋先生王公之所著也先生之著是書網羅天下之見聞包括古今之

元刻玉海序

六

故實將使學者覽之得以施諸用蓋自書契以來典籍日滋以事物之無涯而紀載之至繁畢年歲於披尋窮心目而研究不可得而周知況於得其要領者哉太史公論儒家者流其學博而寡要然則博既難矣博而要者為尤難此玉海之書不可以不作而非先生不能也先生敏悟絕人少於書無不讀多識廣聞淹貫該洽時已莫能出其右及仕於朝又盡閱館閣之所藏宗工鉅儒咸共折服自經史傳註諸子羣集以至於稗官小說方技織緯之書誦之如流言之如指掌既皆涉其波瀾而采其精英故其為書粹

密淵深區分晰列靡所不載惟無益於用不足以備  
討論者不以登於簡策豈非所謂博而得其要者與  
偉乎述作非若他書類事者之可擬倫也夫其篇次  
之多不免於淆舛傳錄之久或至於脫遺士以不獲  
觀其完書為恨癸酉歲浙東帥府都事牟君應復蓋  
嘗建議請命繕輯警校而刻之凡郡縣學與書院之  
在浙東者等其歲入之多寡收其羨餘以為助移之  
部使者而然焉於是聞者又皆喜幸是書之不泯越  
四年而事未克集斯文之遇若將有待然今宣慰元  
帥資德公也乞里不花以勳德之胄膺方岳之寄敦

元刻玉海序

七

尚文雅以為政先下車之始載詢載咨爰戒有司俾  
速其圖時則總管張侯塔海帖木兒徵財庀工承命  
唯謹明年夏教授王君荳來蒞厥職暨學正薛君元  
德躬自程督上下協心有作斯應夙夜弗怠遂底於  
成用力於一時垂利於無窮後之人稽典禮者求焉  
考制度者取焉立建政事者資焉監其因革而酌其  
時宜可以裨謀議於朝廷致治效於國家不特廣問  
學給文辭而已昔之文士嘗有以玉海名其集者詞  
章之靡麗蓋不足以當之夫玉可寶而有用海之藏  
無所不具名之而無愧其惟是書乎書凡二百四卷

總之以二十二門日律曆天道地理帝學聖文藝文  
詔令禮儀車服器用郊祀音樂學校選舉官制兵制  
朝貢官室食貨兵捷祥瑞辭學指南析之為二百六  
十一類於斯備矣癸癸郡文學中山李桓序

至正九年余來守四明公事之暇因得徧觀郡學書  
籍其所謂玉海者宋尚書王公厚齋之所著述也公  
以碩學者德為儒者宗著述之書逾三十種已錄梓  
於郡學者凡十有四玉海其一也惜其閒詛誤者多  
歷十餘年未有能正之者余適命公之孫厚孫重加  
校讐得誤漏六萬字鳩工修補再閱月而成夫性命

元刻玉海序

八

道德之學發明於先儒表章於盛世者至精且詳矣  
若夫制度典故記事纂言備討論而資考索者亦學  
者所當務也公之學傳於真文忠公而玉海之書實  
本於博學宏辭蓋公嘗擢是科故其彙次最為該洽  
其他諸書扶遺經之絕學紬正史之要義綜括於天  
道地理辨徵於禮樂文章明小學而廣異聞既已登  
名於朝廷志列史牒則其書之已刊者不可以不完  
觀者不可以不悉也然則是書之成固學者所共願  
也因列其目於編首又識其始末以告來者俾敬守  
勿壞至正十一年六月初吉嘉議大夫慶元路總管

阿殷圖莖堂謹序

天下事若緩而實急者學校是也惟知治本者每切切而不暇以風化之美人材之盛於是乎出四明郡學甲東湖所職非所任而氣象日萎爾彫謝至正己丑春太守嘉議公來領是邦雖郡事鞅掌必時造論堂而扶衰拯弊加於昔士君子賴焉今季夏因閱玉海數百卷於魯魚亥豕之纏命參校而正訂之者數萬言使學者無惑於討論是雖治教中之一事然以海氛煽虐之秋不以調給為煩且優游於文治其急於學校可知夫朝廷以執政大臣職郡守六事以學校先意有在也往往有緩視之而不切於已在公獨倦倦三年如一日非深知治本者其若是乎惜乎瞻承之晚今也於玉海之刊誤有所感故不可不推平日作新之盛心以為來者告至正辛卯七月既望儒學正王介謹識

元刻玉海序

九

玉海一書篇帙繁浩獨南雍自國初時有刻本歲久朽蝕者過半正德嘉靖中累有補綴而校勘未備譌舛為多萬曆乙酉金華淑陽趙先生始議大加修刻未幾擢去所屬梓者僅四百餘葉丁亥秋用賢亦謬得承乏乃通核其文之漫滅者尚四千有奇而闕者五十八葉於是遍索白下及三吳藏書家凡半歲所幾得其全今所闕特二三而已遂復以戊子之春仲更為繕刻越明年己丑夏凡得四千四百通前刻蓋幾五千葉實居半矣先是少司成余公參定得四之一已而祥符玉陽張先生繼來乃總任校閱之事故逾年而此書煥然幾還舊觀斯已勤矣若鳩工授梓則諸生皆與有助而字楠句比不厭三復則助教林煥章學正陳王道典籍吳聘執簡效勞先後為最多云萬曆己丑秋七月朔日祭酒吳郡趙用賢識

明修玉海序

十

監丞楊秉鉞李衡博士張廷相唐應龍董廷欽助教林煥章陳善行趙培學正陳王道宋述祖劉士望金待取學錄教誨高應焯典簿鄭子俊典籍吳聘聘同校

明萬曆十一年重修玉海書南京國子監祭酒王弘誨司業趙志皋校刊監丞楊秉越博士葉世治臧懋

循助教莊文龍周仕堦黃應春學正袁惟慶彭師古  
徐應箕學錄程淡程焞仝校

明修玉海序

上

補刻玉海序

類書之作始於皇覽皇覽者魏黃初中劉劭王象經  
襲等受詔撰集羣書以類相從凡四十餘部部有數  
十篇號曰皇覽踵其事者不可勝紀唐藝文志錄類  
書十七家其不著錄者又三十二家如梁之華林遍  
略壽光書苑北齊之修文殿御覽及唐之文思博要  
三教珠英藝文類聚北堂書鈔初學記其尤大彰明  
較著者也至宋則有興國之太平御覽景德之冊府  
元龜宋摭銓擇一時稱盛事焉諸書少者盈百卷多  
者溢至千餘卷要皆羣臣受詔撰集非其所自著不

李序

上

失之繁冗則失之滲漏部居錯雜次序陵亂何則事  
由眾手短長互見無貫穿之心思與畫一之義例故  
也浚儀王厚齋先生博極羣書受學於真文忠公前  
後以制科顯當宋之末造隱居四明撰集類書二百  
卷號曰玉海凡二十一部部各有門通計為二百三  
十餘門門各以年代之先後為次源流分合瞭若指  
掌觀者如入建章之宮門千戶萬愕眙而不能禁也  
又如聽鈞天之樂八音繁會洋洋乎其盈耳也好學  
者縱觀而博取之如遊五都之市壤貨鱗集皆適於  
用而唯恨不為我有其在童蒙偶資一得亦猶晬盤

示兒諸物蒼叢而任其所取也蓋自有類書以來亡  
慮數十家雖短長殊軌要不免向所言數者之弊士  
林有遺憾焉及先生是書出而天下歎觀止矣當是  
時番陽馬貴與以故相碧梧之子熟諸典章制度著  
文獻通考三百四十八卷而先生以勝國遺老含英  
咀華輯成是書並爲當世所重省之大吏以請於朝  
遂得鈐板以行蓋貴與之書與涑水通鑑相爲表裏  
而先生之書又與番陽通考相爲經緯二者均有功  
於史學缺一不可是以兼行而並重也書刻於浙東  
元至元六年始成計五千板號乃踰萬明初南雍亦

李序

三

有刻本歲久朽蝕者過半萬曆中祭酒趙公用賢鳩  
工補刊是書賴以不泯洎革命之秋南雍廢爲縣學  
典守者遂溺其職日銷月鏹其朽蝕亦復過半海內  
所藏又往往厄於兵火士大夫欲購是書而不可得  
喟焉惜之天祐斯文

聖朝膺籙當重熙累洽之年爲禮明樂備之治百廢具  
修無遠弗屆振裕承乏江南雅屬意是書受事方新  
不遑成處會

天子下求書之

詔命所司網羅散逸非經史之學有裨治道者勿進振

裕側聞茲

命乃驟然而起曰盛哉乎斯舉

聖天子崇道右文之意殆如是其切至乎夫山巖屋壁  
之藏尚欲購而得之以充祕府況前人成緒易爲補  
葺若是書者耶力可勉而不爲非所以稱

詔旨廣文教扶絕學惠來茲也於是謀諸郡邑出學租  
節省之餘以給剞劂之費計闕板三千一百六十悉  
爲補刊其文之漫滅者亦皆依善本填刻多至每板  
數十字是役也創始於丙寅歷二載乃成董其事者  
松江守朱雯喬三鳩工庀具則上元訓導陸禧也是

李序

十四

書苦無善本上元明經周銘篤學嗜古家藏玉海視  
世所行者爲最又得及門諸子各分若干卷互相傳  
校十已得其六七其不可知者則攷所自出之書以  
補之其致力可謂勤而用心可謂精矣夫古今著述  
苟無裨於治道雖美而弗貴誠有如

明詔所云者今試取是書而觀之探本於六經沿流於  
諸史旁搜夫諸子百家博而不濫贈而不穢以綜體  
要則

王言可代也以席間見則

願問有資也以討故實則課試有程也一物而三善備

玉海 序

焉其於治道可不謂有裨乎按宋史本傳先生所著逾三十種已刻者玉海二百卷附詞學指南四卷又有遺書十三種自詩攷至通鑑荅問共五十餘卷板皆在上元學朽蝕亦如玉海今悉為補刊別有困學紀聞二十卷舊刻闕謬亦當改鋟他皆湮沒不傳其幸而存者可聽其日銷月鏹而莫之惜邪前車不戒後將復然詳書其本末以警典守之溺其職者時維康熙二十六年歲次丁卯仲冬日南至後學吉水李振裕維饒甫識於澄江官舍

李序

五

序

玉海一書與通典通志通考諸書相為表裏其於禮樂制度因革損益之故歷歷可考彙為二百餘卷書成於宋鏤版於元其在江南者版藏上元學中歷久廢缺康熙年間補刊一次迄今不數十年又復朽蠹殘缺已為廢版予典郡金陵修詞上元

文廟接見諸廣文詢及學官所藏書籍因具悉是書廢與本末慨然有志修復適大方伯晏公暨監司王孔二公俱以名賢秉政是邦具述所以三公同捐資倡舉以予敦事因購求原本校對幾不可得閱二年

張序

六

始得善本邑中熊太史南州先生任校讐之責郡紳汪子維周鳩工董成諸僚佐及紳士輩亦各踴躍贊襄不數月而板成補殘整舊粹然完璧夫以三通之書後先行世學者貴之如夏鼎商彝至今日已不可多購況是書行之未廣板冊繁重典守不專一經殘缺修復甚難苟遷延歲月以至不可收拾俾先賢作述之苦心竟歸湮滅豈不重可惜哉茲值世運昌明聖天子憲章百王修明典故而名公鉅儒膺藩翰之重寄宣揚教化潤色鴻業倡始修復百僚多士趨承襄事以成盛舉使好學深思者得徵文考獻以上佐休



明之治其慶幸可勝道哉爰序其事以勸後之典守者尙其鄭重而保護焉乾隆三年歲次戊午秋八月知江南江甯府事廣川張勇年序

張序

七

補刊玉海敘

宋有類書四種其大有裨經濟實學者曰冊府元龜曰玉海冊府元龜計千卷禮樂兵農用入行政歷朝因革損益靡不畢具相傳止有寫本吾鄉黃石公先生增改刪定用登梨棗盛行於世至玉海之爲書也蒐羅典故囊括舊聞凡天文地理以及臺閣宮室服食器用分門排纂攷據精詳與冊府元龜相埒是二書者皆經世之文學者所宜究心者也但玉海著自王厚齋先生歷元明而廢缺失次康熙丙寅歲舅氏吉水李公視學江南見其朽蠹捐俸而聿新之貶之學宮今數十年來又殘闕矣吾鄉晏一齋先生蒞任安藩宏

熊序

太

聖天子菁莪棫樸之化嘉惠後進以是書有功於史學與郡守張公重修而屬余校讐之又得善本於黃生惟吉家惟吉卽石公先生孫也博學嗜古相與昕夕校對殘者補訛者正閱月復爲完璧讀者如入海若之藏鮫人之室琳琅環珥莫名一寶其用無窮而取不竭莫不履心而快意焉余因之而有感矣當舅氏爲學使者網羅搜集其書甚夥如上元所存玉海外尙有遺書三十卷詩攷通鑑答問以及困學紀聞不